

路
史

冊
一

10

11

12

13

14

15

16

17

路史前紀第七卷

宋廬陵羅泌纂

男萃註

明廣陵喬可傳校

禪通紀第二

昆連氏

昆連氏一曰釐連氏一曰釐蓄氏

釐本作驪又

昆連者昏晦之謂也

昆釐皆有

昏意連蓄皆有積意

後有釐氏厘氏驪氏

于志寧云追連胥之絕軌謂昆連氏赫胥氏也

自生民以來君有宇宙者多矣十紀之辟不勝計予繹路史僅得

其五其五紀則遂亡之矣有或雜出傳記如焱氏

莊子有焱氏之頌孔子窮於陳

蔡晨起而歌焱氏之風有其具而無其數也

泰氏著於莊子

蒲衣云有虞氏不及泰氏司馬彪云上古之帝王無

名之謂君李以爲大庭氏注謂伏羲皆非

成雉氏

龐子問曰太上聖成雉氏之道一揆

奪與天地存又驕冠子曰成鳩繆得

素皇氏內崑氏之著於驕冠

路

史前紀七

子近者視其善遠者慕其德是以其教不厭其用不蔽故能疇闡

四海以爲一家夷貉萬國以時朝服此素皇內揣氏之法成唯世不可奪者雖間存一二而政迹無滅沕穆難稽然又懼沒厥

號因復著之庶來者得以觀焉易曰過此以往未之或知子休曰

人之所知不若其所不知信矣

軒轅氏

軒轅氏作于空桑之北山海經空桑之北有軒轅山然空桑乃魯地紹物開智見轉風之

蓬不已者於是作制乘車柶輪璞較橫木爲軒直木爲轅以尊太上

故號曰軒轅氏或因云居軒轅之丘而以爲名非也蓋軒轅所迹後人

爲黃帝之所避風權畸羨審通塞於是擅四方伐山取銅以爲刀貨

以衡域之輕重而天下治矣軒轅金長寸七分重十二銖文作孚者

軒轅字合爲一按古封禪文與此正同貨字古皆作化故蔡氏化清經云貨者化也變化交易之物是也有幣論見發揮

贊 禪通著紀伊予握旋秉數稽功一德乘乾地不愛珍乃權畸羨

制彼貨刀與民通變稱物平施有無以遷皇上繇尊大號軒轅

軒轅氏古封禪之帝也在黃帝氏之前承學之士乃皆以為即黃
帝氏失厥所謂莫此甚焉昔蒙莊氏論至德之世軒轅氏後乃有
赫胥而尊盧祝融次之又後乃有伏羲神農黃帝其明著若是
栢皇氏稟陸氏驪連氏軒轅氏赫胥氏尊盧氏祝融氏古之王者
也伏羲氏神農氏教民而不誅黃帝堯舜誅而不怒別亦為二矣
訊諸幣款有黃帝金而又有軒轅金董氏有金兩種封禪文識有軒轅氏
而又有黃帝氏莊子所載二古封禪之王王存入云軒轅字古封禪文也則軒轅自為古帝信
矣後世惟見史遷紀黃帝名軒轅更弗復攷於古失之

赫蘇氏

赫蘇氏是為赫胥

胥蘇也傳謂赫然之德為人胥附而號之又以為即炎帝妄矣

赫胥氏之治也

尊民而重事方是之時人居不知所為行不知所之鼓腹而游含哺

而嬉晝而動夕而息渴則求飲饑則求食莫知作善而作慝也出三

入一惛恍如遺

子華子天之精氣大數常出三而入一其在人呼出也吸入也一之謂尊二之謂耦三之謂化精氣以三

成宓義軒轅所柄以計也赫胥大庭惛恍如有所遺也故曰出於光
一立於兩成於三連山以之呈形歸藏以之御氣大易以之立數

路

史前紀七

一中華書局聚

曜赫奕而隆名有不居卽以胥而自况胥史義九洛泰定爰脫灑於潛

山卽天柱第十四洞天也仙傳拾遺云薛伯高之祖玄真曰祝融棲神於衡阜虞帝登仙於蒼吾赫胥曜迹於潛山黃帝飛輪於鼎湖

也此葬朝陽故朝陽城內一里今章丘後有赫氏赫胥氏見風俗通山有扶蘇草木

疏作扶胥越絕書言姑胥之山卽姑蘇也

甚矣人欲之不可從也求以從其欲未有不失其所欲者也是故

求爲樂者失其樂求爲富者喪其富求存者先得其亡求榮者必

至於辱求以爲大未有不先獲其小者也昔者穆王從欲而既失

其欲矣秦皇繼之秦皇失其欲矣漢武又繼之漢武復失其欲矣

而明皇又繼之是何邪夸與幾而已矣幾生於所無而夸出於不

足皆欲也位祿名壽四者人之所大欲也貴爲天子富有四海則

既有其位又有其祿矣其不足者名而所無者壽爾且名之所難

及者遠而壽之所不能致者仙也於是事四夷將服遠以夸名而

治愈卑禮方士將求仙以幾壽而身愈乏盡心力而求之而各與

壽愈不可得也雖然服遠難也猶人之所爲也而其所謂仙者則尤人之不能致者也彼以爲致人之所能致未足爲至必於人之所不能致者致之然後足夸也是以中材之主好名之心常卑於欲壽而求仙之志尤重於服遠也嗟夫道在邇而求之遠事在易而求之難惟精惟一此白晝蜚昇法也羲以是傳之炎炎以是傳之黃堯傳舜舜傳禹小顛顛頊高宗文王夔龍益稷周召箕盤與孔子之所共得也穆王之倫不知出此而乃區區外馳以求之是之燕而南轅兩駢愈疾自謂卽至而不知其日遠也善乎周隱遙之告隋文曰帝王脩道速於人臣一言之善萬域蒙福臣之所學非萬乘所脩而劉知古亦謂明皇人主長生與庶人異欲得長生當先道化人和氣洽則仙自致矣若爲庶人之事臣所未悉二子之言可謂知所本者代之人能因是而求夫所謂精一者則自得之矣又何必敝精神苦筋骨而與死禍鄰哉雖然黃帝之所爲不

在是赫胥氏之所爲亦固不在是也且以秦皇懷惑不悟卒至陵
遲沙丘身首不斂爲天下笑鄉使穆王遺祭公之諫則不獲沒於
羝宮明皇稽至德之禮則不得崩於神龍武帝苟非狼狽自悔易
危爲安則龍淵之廟不立矣方東方生之薦藥石於帝也固以謂
仙者得之自然非可躁求若其有道不憂不得不然雖之蓬萊見
仙人猶無益也而帝且不悟既晚因大鴻言於是悉罷方士候神
人者每對羣臣自歎曩之愚惑爲方士之所欺則不知道而已伊
尹有言天子惟不可彊爲也必先知道知道則人欲輕而民事重
矣如是則脫灑曜迹不爲難也赫胥氏之果仙乎予不得而知也
予悲夫求仙者之喪其欲也故俯紳之學者毋謂太謾將有嘿而
識之者

葛天氏

葛天氏葛天者權天也爰擬旋穹作權象故以葛天爲號

說文葛蓋也與黠皆

音蓋而集韻蓋覆也居曷切蓋曷蓋古通用故曷且作蓋且其為治

也。不言而自信不化而自行蕩蕩乎無能名之其及樂也八士捉拏

投足摻尾叩角亂之而歌八終一曰載民二曰玄鳥三曰遂物四曰

依地德八曰臨萬物之極上林賦云聽葛天氏之歌張揖云三皇時

君也其樂三人持牛尾捉足以歌八曲一曰云云八曰總禽獸之極

物為育草木奮穀為奮五穀達為徹闕為曲塊拊瓦缶武彙從之是

謂廣樂於是封泰山興貨幣以制數會故沈滯通而天下泰矣幣文

李洎云古葛字董氏譜云葛天氏之幣字雖質而與今隸無異但今

曷從曰匈曰辭匈聲無義而此特從士從曰曰乃古之合字即為聲

也曷與場同所謂田場田場後有葛氏見風俗通然少權氏

贅旋穹蒼蒼孰測至極不有聖人伊誰軌則無言而信不化而行

垂法葛蓋天蕩蕩難名載民玄鳥臨物之極八闕興謠莫知帝力

治者致順之道也無非事也亦無非教也夢有占戎有卜災有祈
信有盟聖人未嘗廢也是故無常祀則淫祀不可勝舉矣無中聲
則淫樂不可勝用矣凡民之不可去者聖人不廢也抑為之節文

爾已古者未嘗無樂也洪芒之世聖人出道以應世各有一代之業有一代之業則必有一代之樂也雖然樂者治之章而禮者治之文也文生而章出禮先而樂後不可易也八士八終節未嘗無也節未嘗無則禮未嘗廢也而世之人蔑禮節隳形體沓蟻以爲行曠怨以爲賢託音乎聚儂之傍而羅頃乎父師之側曰吾爲達也吾聞無懷葛天不如是之蕩無度也子嘗學論語矣及微子之篇見其著周公謂魯公之語而遂知孔子與三仁八士之心然後三歎孔門弟子善述聖人之志而揚雄王通皆不足以知之也夫微子一篇論出處之大致以仕爲通者溺而不止以隱爲高者往而不返然而特雜是章於間何哉彼周公之言上以爲君人者而下以爲事君者發也爲君難爲臣固不易君臣之間微矣哉於其所厚者薄則無不薄矣親而可施則何有於賢士大夫哉

施者殺而肆之

也內則施羊亦如之氏麋施鹿施麋皆如牛羊左施秦施冀芮晉施邢侯與叔魚於市由海經殺而施之晉語八從樂氏者大戮施

莊子云莫弘胞史拖陳餘蓋同也
開元五經文字作云弛廢亦非

二世之殘骨肉六朝之戕宗室

此可仕其朝邪大臣不以則必復很信任小人矣剝喪元良而信崇虎賊虐諫輔而任尹諧與夫信石顯而疑蕭傅任裴齡而絀陸

贄此可仕其朝邪非是二者聖人不去也是故子言衛靈公之無

道猶且徬徨於其域

有仲叔圍祝駝王孫賈等

知此則三仁之或去或死柳惠

之或絀或處孔子之去齊去魯樂師之適齊適楚八士之著於是

列皆可知矣故舊無大故猶不可弃則君非有大故而可去乎朋

友且不可求備也一人或過其可求備而去乎知是則接輿沮溺

晨門荷蓀有可得而議矣於戲山林之士豈止於不知反哉而世

又有無故宅額稱慕巢許以蘄達者中南少室皆爲捷徑大有佳

趣豈特岑岑之中南邪巢許之事予無信焉且不仕無義可也長

幼之節如之何其廢之夷俟之態固嘗見於原壤矣然則數之賊

而叩之杖是乃聖人之隱也彼阮籍韋高王澄胡母輔之之徒復

何爲邪譏山甫姍文王譏髀無任而笑天下之尙賢縱脫無行而
非天下之大聖莊周不如是也而况無懷之與葛天氏乎晉室之
爲夷南北之紛更皆繇此徒出矣而何任達之足云是故先王之
治先其禮而後其樂樂者溷濶之竟而禮者人之城也禮勝則愚
故樂以生之樂勝則流故禮以守之禮也者所以嚴分而防泆者
也苟嚴矣何慢之足憂苟防矣何亂之足病彼其矇裸程託言爲
達其禍已不可勝言矣非直聖人病之俾門佃役莫不以爲病也
詩云野有死麕白茅苞之夫麕旣已死矣在所可弃矣而猶苞以
白茅何邪死惡其洿於地也夫茅之爲物薄而用可重也易曰藉
用白茅无咎苟厝諸地而可矣藉之用茅何咎之有此其禮之所
以不可以已而流遁者之所以獲罪於聖人也

禪通紀二

路史前紀第七卷

路史前紀第八卷

宋廬陵羅泌纂

男萃註

明廣陵喬可傳校

禪通紀三

尊盧氏

尊盧氏

董氏錢書有尊盧氏幣其文作盧

是為宗盧

宗尊古通用故賈逵以宗盟為

尊盟穀伯梁

以其立政也官天地府萬物革天下之故惟以幣行而遂人

帝世者皆立貨幣以通有無史皇而下君人者咸與封禪以昭受命

今惟著代有迹者尊盧之幣蓋以代別或疑此為黃帝幣者蓋以

葛盧之山發而合為山名不以此通百貨無所甚親無所甚疎

抱德揚和以順天下而世用寧焉治九十餘載位強臺之陽葬浮肺

山之陰即今藍田山其西尊盧氏冢存焉亦見後魏風土記及長安

實宇記女媧氏皇居後有尊氏尊盧氏鐘氏後為混沌吳英有巢

管夷吾曰湯七年旱禹五年水人無檀者有賣子者湯以莊山之金鑄幣而贖人之無檀者以歷山者以鑄幣以救人

朱衣世本以尊盧在伏羲後應劭風俗通則因班衣之序乃謂爲太
昊之世侯者姓纂等從之非也班氏蓋失其世而妄著之于後爾

自余季甫志學逡通三經且侍且業未嘗終食三商不屬意於是
史也訪博士迺異書訊旅人求金石之遺豫是有益雖奴客必師
不知祈寒溽暑之爲毒於衡湘得雲陽之從於廣都得盤古之祀
於馮翊得史皇之墓於藍田得尊盧之採於衡山得祝融之廟於
長安得陰康之冢於肺山得華胥之封於黃龍得女媧之碣於茶
水得炎帝之陵於蛾眉得黃帝之款於離得帝鴻之坳於雲陽得
少昊之埵於成陽得慶都之劓於天山得有虞之文於陳倉得娥
盲之竦於商於得士英之壘於杼山得夏后之銘一何多邪獨怪
劉子政說湯無葬處而崔駰薛瓚俱云濟陰亳縣今有湯冢皇覽
云在亳城北郭東三里高七尺韓嬰所謂帝乙墓者何謂無邪按
伏鞞北征記博望城內有湯伊尹及箕子冢今悉成丘而杜征南
亦云梁國蒙縣北薄伐城中有湯冢其西有伊尹箕子冢今城內

有故冢方城宜其爲是而記乃稱王一喬墓亳之湯冢已氏之伊
尹冢顏籀亦固疑之爰求徵地則又別有湯冢漢建平元年大司
空史御長卿按錄水災行湯冢者於漢隸扶風地有湯池徵陌何
謂無邪然湯之都亳與葛比似亦不在茲土及攷秦寧公本紀五
年伐湯三年與亳戰亳王奔戎遂滅湯則知周穆桓之特別自有
湯亦號亳王爲秦所滅乃西戎之君葬於徵者而非成湯之墓繼
觀聖賢成冢記則湯之冢後魏天賜中已圯矣銘言二千年困於
天恩其明器悉爲河東張恩靈之于河是知成湯之窆久已無沒至
是已不復存子政之言爲不苟矣於戲太古尊盧祝融陰康華胥
之陵尙猶歷歷可知如此而成湯之臧不壽獨何歟良可歎也

祝誦氏

祝誦氏

庸誦古通用一作頌故禮庸鍾容
磬及漢書爲容皆作頌有以也

一曰祝

見金樓子等

是爲祝

融氏

祝斷也化而裁之謂陸佃解月令說云木發而榮之金辱而
收之火祝而融之水玄而冥之蓋融而熟之火也白虎通云祝

屬也融續也能屬續三王之道行之也未有嗜欲無所造作師於廣壽以毓其德道書

見即老子說刑罰未施而民勸化三綱正九疇序是以天下洽融萬物

咸若梁武祠堂畫像碑云祝誦氏無所造為未有嗜欲刑罰未施六韜云赫胥氏尊盧氏祝融氏此古之王者也未使民民化之未

之善為政者也於是聽弇州之鳴鳥以為樂歌作樂屬續以通倫

類諧神明而融人聲是以耳目聰明血氣融平而壽令長移風易俗

天下大治則歌樂為之節文也古非帝王不作樂孝經五行鉤命決云伏羲氏有立基神農氏有下謀祝

融氏有祝續祝本多作屬見白以火施化號赤帝淮南子云南方之

炎風之野赤帝祝融也故後世火官因以為謂融氏號也祝融職

融回為祝都于會故鄭為祝融之墟會即鄭也其地後為鄭詩譜云

之後處之為鄭國春秋有鄭城其地在溱洧間今鄭東北三十里

其治百年葬衡山之陽是以謂祝融峯也衡山記云祝融託其陰非

有祝融冢楚靈時山崩冢毀得營丘九頭圖焉荆州語云衡山二子

皆以南黎則不然矣今其祠廟記咸以謂高辛之臣且高黎哉且黎少

隔八相生圖

黃鍾太簇姑洗蕤賓夷則
無射爲陽日六律皆二八
損一隔八下生六
大呂夾鍾仲呂林鍾南呂
應鍾爲陰日六呂皆二分
益一隔八上生六律



介於義農之問
白虎之義農也
伏義則農以祝融爲南方之神初非通論此以梁碑以祝融爲祝融至而
禮遷少昊而浩錄又經洪顓帝之後黎遂以義農祝融爲三皇祝融氏大戴
帝祠畫像述先伏羲氏次祝融氏亦數及黃帝出采氏與
虎羣儒通義以祝融爲三皇宋氏論三皇亦祝融而黃帝蓋有武
有墓此又漢儒葬之處何說也黎後有祝融氏祝宗氏祝龢氏等書白苑
吳四叔咸無葬之臆說也黎後有祝融氏祝宗氏祝龢氏等書白苑